

●本報七週紀念芻言

(湘筠)

數月來祖鄉慘遭匪禍。爲亘古未有。所謂焚搶劫殺。恣所欲爲。天日爲昏。重演海陸豐之慘劇。莽莽神州。引領東望。今雖北伐告成。軍閥打倒。而赤焰猶燄滋暗長。小民猶陷水深火熱之中。嗟乎。難蜀吟道。愁行工部之詩。哀到江南。怕讀子山之賦。予生不辰。廿年飄泊。白雲蒼狗。感世事之滄桑。而魯殿靈光。獨巋然存在者。厥惟本報乎。屆茲七週紀念。不能無辭。

其一。報紙與教育宜相輔而並行。夫啟迪民智。改良風俗。作社會之導師。爲民衆之喉舌。莫如報紙。舉凡世界變遷。國家隆替。及一切政治工藝商業。皆可介紹閱者批評而比較之。歐美文明國家。其人無論貧富老幼。上自達官偉人。下至販夫走卒。莫不人手一報。藉以知國家社會之情況。觀我華僑。教育不興。

來自宗邦者。既多失學之人。生長斯土者。又多不識本國文字。社會程度之幼稚。則閱報者少。此報紙不發達之原因也。故欲增高社會程度。必自普及教育始。報紙對於教育事業。須盡量鼓吹之。關於學校發刊文件。以及印刷品。當特別優待之。學校興。教育普及。報紙而後有發展之希望乎。

其二。報紙宜鼓吹僑民投資國內實業。當此北伐成功。南北統一。國民政府之新事業。百廢待興。在在需財。最近廣西省政府。派員南來。徠招投資廣西實業。霹靂礦商。聯絡七洲府殷商。而有華僑實業團之組織。又如呂宋華僑建議。在廈門設立航空學校。築造飛機場。此皆華僑投資於國內實業之最近消息也。夫投資危險事也。新政府之如何勵精圖治。堪爲僑民取信。新官常之如何整飭。迥異舊日腐敗

。凡此種種。所以釋僑民之疑慮。而敢於聯翩歸國。慨投巨資者。皆賴報章鼓吹與指導也。

其三。報紙須主持正誼。勿偏於一黨一系。凡新聞事業。爲社會公共機關。須以大多數人之榮辱利害爲標準。主張則求明透無色。態度則求公正不偏。西哲有云。最良之新聞事業。不爲意見或權力所左右。斯言誠然。且吾僑

離國日久。去國又遠。須得有正確之新聞。辨明其真是真非。而後可以端其趨向。若言論機關。認爲屬於個人。或屬於一部份人。而帶有濃厚之色彩。則真理不明。徒淆觀聽。故曰擁護。已失其獨立之精神。曰攻擊。又易涉私人之意見。皆非報章所宜出此。而自損其無冠帝王之價值也。上列之事。原屬鄙見。敢以質之高明。

